

Biografía di Alex Edward Toppenberg (Etty)

Alex Edward Toppenberg a nace na Aruba dia 19 di augustus 1943. Su number di cariño semper tabata Etty. Number di su tata ta Gilberto de los Santos Toppenberg y su mama ta Petra Soliana Toppenberg. Etty a nace y lanta den Companashi. E ta number shete di e total di diesun ruman, di cua uno a fayece. E no ta casa y tampoco tin yiu. E tin un ruman cu ta toca piano na Hulanda y su otro ruman Ady tambe ta toca un poco piano. Nan tur tin cu toca un poco guitarra y canta, pasobra esey tabata ordo di



Segun Etty, e bida artistico ta un satisfaccion cu el a haya cu musica

Segun Etty ta dos podium bo tin, esun den klas y esun riba cua bo ta para canta.

E no ta un cambio ni otro rumbo, semper Etty a keda haci musica. El a traha na oficina di impuesto pa diez año, despues el a bira maestro di scol y nunca el a laga musica. Etty a uz'e hopi, pasobra ta dos podium bo tin, esun den klas y esun riba cua bo ta para canta. Semper el a laga nan traha hunto, p'esey Etty ta un di e hendenan mas afortuna na Aruba. E ta kere cu ta Birgen di Alto Vista den e kapel cu e ta bay tur mainta, ta yud'e cu e ta conforme cu su bida y satisfaccion cu el a haya cu musica.

E bida artistico

Etty su prome guitarra tabata gelijm den otro, pasobra e tabata kibra. Tabatin un carpinte band'i su cas. El a cumpra welwood, anto basha esaki, drech'e y pone cuerde. E guitarra ey, nan a kibr'e. Etty no sa na unda un hende a cay sinta riba dje of ta kico a pasa! Photo Hanna tabata di e homber cu su tienda di instrumento musical, situa banda di Djiespy's place. E tabata bende guitarra tambe. Ronny, kende ta ruman di Etty, a cuminsa traha na WEB, anto na Photo Hanna el a cumpra su prome guitarra pa Etty, un Ikam DC di Mexico. Masha grandi mes. Etty a bay hib'e un biaha bay drecha, pero un hende a keda cu ne. Pero ainda Etty tin un otro guitarra na cas cu su cabuya, pasobra e tempo aya tur tocado di guitarra mester por bisa y muestra bo unda su guitarra ta. Por ehempel

e ta bisa cu e ta colga na muraya, of si e cas ta di tabla, e ta eta bisa cu e ta colga na muraya, of si e cas ta di tabla, e ta colga ey n'e cabuya cu ta wanta c'un clabo. Si bo drecha cas di hende, bo haya un guitarra colga, esaki por tin basta balor. Por ehempel Etty tin un guitarra na cas di cincuent'iseis año bieu di Ronny su ruman. Etty no ta toca riba dje, e ta cuid'e manera un reliquia. Na Spaño, nan tabata yama nan "guitarra del sol", pasobra si bo pone e guitarra ey y solo ta ariba, bo ta mira e solo. Imagina bo, asina fini e palo ta. Pero e no ta uz'e hopi. Ora Etty tabatin 13 año, tabatin un señora band'i su cas, no leu di Piet Soda Fountain, kende a haci shen año. Frère Arnold a pidi nan pa bay toca pa e señora, pasobra e ta mira nan ta sinta toca riba cura di scol. Nan a bay toca un cantica cu tabata existi



Etty Toppenberg y su Trio Huasteca

e tempo ey. Esey ta cuenta di sesenta y pico año pasa. Anto e ora ey Eric cu Etty a forma hunto cu Armando Quilotte, un trio. Nan tabata hunga futbol tambe hunto. Canawa tabata toca y e tabata canta halto. E ta famia di Rufo Odor y e tambe a join nan. Nan tres tabata haci e shownan e tempo ey, entre otro cerca Adison Croes, cu su famoso programa radial

“Buscando talento artistico”. No tabatin television y e shownan tabata bay na cada districto. Nan tabata pone un show anochi, mas tanto riba un diasabra. Anto e ora ey nan ta haya lift cu Shon Pa Lopez, cu ta spanta nan cu e auto di careda. E shownan ta consisti di presentacion di un goochelaar, Rolarola Kids, un contado di storia, Trio Huasteca y podise tin ora un mariachi. Nan tabata actua na Trappers Club, Goldenhard Club na San Nicolas, Club Boneriano, tambe na Savaneta y na Lagoheights. Tur caminda nan ta bay cu lift. Nan ta pidi lift y cana. Nan ta cana riba caya toca, para na cura di scol, djey nan ta sali cu cuarta, un guitarra y un maraca. Nanta bay Caya Ernesto Petronia (antes Boerhaavestraat), Venezuelastraat, bira bay den Socotoro.

E tempo aya ta caminda di santo tabatin, anto nan ta bay termina den Rancho. P’esey e hendenan ta bisa cu t’ey nan a lanta. Nan ta bay cab’i toca cu e hendenan cu ta canta eybou, pasobra Canawa tabatin un galiña eybou y nan tin cu duna serenata casi tur ora. Adison Croes tabata tende nan ta toca tin ora y e ta invita nan den su show. E tempo ey, e grupo ta cobra binticinco florin pa un show. Anto cada un ta haya un ocho florin y pico. Pero despues, tur hende tin cuenta di pica guitarra y nan no tabatin un persona pa haci esey. E ora nan a busca un mucha homber di Rancho, tata di Juni Quandt Rincones. Nan a bay, nan a cobra mes un binticinco florin. Ora di parti e cen, esaki a bira seisbinticinco pa cada hende.

Nan ta pidi lift di Playa te na warda di polis na San Nicolas, can’e te na Golden Rock pariba aya. Ora di bolbe, mester cana di Golden Rock pa warda di polis, warda e truck di e hendenan cu ta traha na Lago, cu ta bay direccion di Playa. Esaki ta e truck di palo, anto nan ta toca abordado. E truck ta baha nan banda di hospital bieu (San Pedro Hospital) y e ora nan ta bay cas.



Etty Toppenberg y su Trio Huasteca

Dedicacion y estilo musical

Nan ta canta ranchera, anto p’esey nan a pone e nomber Trio Huasteca.



Etty Toppenberg ariba su guitarra

Dedicacion a cuminsa ora Etty su ruman Ronny a siñ’e toca guitarra como un hobby. Nan tabata toca riba caya, pero despues nan a lanta manera un mariachi. Ronny tabata canta ranchera, anto nan mester a bay train banda di Basiruti. E tempo ey, no tabatin niun hotel. Lucio Rivadeneira tabata toca saxofon, pero su prome instrument tabata trompet cornetin. Despues el a haya problema cu su pulmon y el a bay toca saxofon. Nan tabatin un Boneriano cu guitaron, Etty cu Eric ta toca guitarra y Canawa ta canta. Nan ta canta ranchera, anto p’esey nan a pone e nomber Trio Huasteca. Ta ranchera nan ta canta, Etty ta kere di aki banda nan ta unico grupo cu a yega Plaza Garibaldi bayendo festival di OTI.

Nan a canta dos ranchera cu un mariachi. El a canta cu mariachi Vargas. E tin e graba, nan a bin for di Venezuela na Cabana. E temp’ey, nan a bin toca na Cabana (Venezuela), anto Etty ta corda Leon (Jon) Scharbaay tambe tabata forma parti di e grupo. Nan a bay te Venezuela haci show, niun hende kier a baila e grupo di Venezuela, pero nan si, pasobra nan tabata toca nan tumbanan cu ta bailable.



Etty Toppenberg y su Trio Huasteca reforsa cu drums, baho y otro cantante

Desaroyo musical

Etty no ta un gran guitarista, pero el a percura pa e tin e dominio riba e guitarra. Nan tabata train tambe na radio Kelkboom, cerca Lucio Rivadeneira, banda di Adidas (Emmastraat) e tempo aya. Mama di Emile Kelboon a yega un biaha, anto a haya nan eyden y a puntra kico nan ta haci ey. El a comenta cu nan ta canta falso! Etty di cu por ta cu e señora aki tin rason. E ora nan a cuminsa train anto e cos a sigui bay, te un dia nan a pone un hacimento di año di tata di Emile den Cultureel Centrum e tempo ey. E ta sinta cu su señora y e Trio, bon bisti cu nan tuxedo, ya a traha un nomber. Etty a bisa e hendenan cende e luz, ora cu nan a cende e luz den sala, el a bis'e señora masha danki! E cos cu bo a bisa mi ey, nos a bay haci nos best y awor nos ta aki den tuxedo. E señora a goza e cos masha hopi mes.



Etty Toppenberg y su Trio Huasteca

E parti internacional



**Bo kier sa algo di Etty,
bin puntra Etty**

E parti aki ta hopi grandi: di Hawai te punto Arenas na Argentina. Tambe nan a bay Chile. Pero nan a toca na morning show na Hawai na television Mericano, nan a toca hopi caminda cu niun hende no sa, pasobra nunca nan a publica loke nan ta haci. Semper Etty su caracter tabata asina: si bo kier sa algo di Etty, bin puntra Etty. Nan a sali bay festival di cancion di Caribe na Puerto Rico y a sali na di dos luga. Nan a bay OTI-festival nan 1978. Tambe nan a bay esun di Puerto Rico, despues na año 1991, un dieztres año despues, nan a bay nan a bay festival di OTI na Mexico. Nan ta e unico grupo di

Aruba cu a bay festival di OTI dos biaha. Nan conoce Julio Iglesias y tambe Harry Belafonte. Nan a toca cu Belafonte na New York. Nan a compañ'e na television. Nan a bay Santo Domingo pa apertura di "Teatro di agua y luz" hopi tempo pasa. Nan a biaha bay tur caminda di mundo, inclui Alemania. Na Merca nan a presenta den ring di boxeo, canta e himno Mericano. Nan a toca hopi biaha na Hulanda pa celebracion di Arubadag, gran parti den Sur America, p.e. Peru y Ecuador. Na Mexico nan a presenta cu artistanan grandi, den un teatro caminda cachonan ta core y tur e Indjannan ta sinta abou.

Grupo musical cu a forma parti

E gruponan cu Etty a forma parti di nan, ta Los Principes y San Hose di Corsou, paso su primo tabata toca e tempo ey cu Macario Prudencia. Etty su primo ta Glowies Basur. Etty tabata canta un calypso cu nan. Cu Los Principes, Etty a toca, duna show na Boneiro hunto cu Lucio Rivadeneira y Joy Kock. Etty por bisa tambe cu den e prome parada di carnaval di Aruba cu tabata pasa na pia, nan a toca cu Trio Huasteca, cu un cuarta un guitarra y un maraca, hunto cu Coyito tata di Papi Marquez. E ultimo aki tabata toca drumset pa The Magnificent Five, un banda di hubentud cu tabata masha famoso e tempo aya.



Trio Huasteca reforsa cu baho

Acontecimiento cu Etty ta considera mas importante den e bida artistico

Pa Etty, esaki tabata cu el a toca dos biaha pa Reina Juliana cu Prins Bernhard. Etty tin e potretnan caminda el a toca pa Prinses Beatrix cu su casa Clause. Tabata un evento grandi na Talk of the Town. E momento di mas grandi cu Etty a pasa aden ta, cu e pareha real a kibra protocol! Pasobra nan a bin di Mexico unda nan a bay pasa honeymoon y ora cu nan a yega Aruba nan tabata gusta ranchera, principalmente e cantica Llorona y nan tabata toca La bamba tambe. Na Talk of the Town, e adjudant a bisa cu nan tin cu bay otro caminda, pero prinses Beatrix a bisa cu nan ta keda ey. Nan a kibra protocol. Etty tin e riba papel.



Trio Huasteca etreteniendo Prinses Beatrix na Hotel Talk of The Town Aruba

Sugerencia pa nos futuro generacion

Dedica bo mes na bo musica, pa no imita hendenan di afo, pasobra Aruba mes tin tur cos cu por duna. Nos tin tur cos. Ki mishi bo ta traha un cantica asina bunita, pa despues un Mericano ta hib'e, grab'e bin bende cu nos. Esey ta e frase cu Etty ta uza tur ora.

